

**MOMBASA COUNTY ASSEMBLY****HANSARD REPORT**Wednesday, 16<sup>th</sup> March, 2016

The House met at 2:31p.m.

*(Mr. Speaker (Hon. Thadius Rajwayi) in the Chair)***PRAYERS****Mr. Speaker** (Hon. Rajwayi): Kindly have your seats Members.**PAPER**

Hon. Mohamed Hatimy? Hon. Hatimy?

*(Silence)*

He is not in the House.

*(Business differed)***NOTICE OF MOTION**

Hon. Mohamed Hatimy, again?

*(Silence)*

Continue.

*(Matter deferred)***STATEMENT**

Yes Hon. Patrick Simiyu?

**Hon. Siminyu:** Mr. Speaker I rise to give a very important statement about the new project of constructing our estates, it is a very good project launching, as Members of County Assembly we are impressed and we welcome it with open arms but there are reservations that we as Members have been contacted by stakeholders. In Tudor we have a slum area that represents thousands of people, and from the presentation we heard that they considered those people in the County government only but we have slums which comprises of a lot of people. My concern will be where will these people be housed? Another thing is that we have stakeholders like Catholic Church Mary Cliff Primary school who own the land and they must be involved in this project because each and everybody can have input. Mr. Speaker it is a very good project but if people are not involved properly it will bring reservations. I will kindly ask the Committee plus the department concerned to involve each and every person so that we can have a project that is accepted by each and every person. Thank you, Mr. Speaker.

**Mr. Speaker** (Hon. Rajwayi): Hon. Ahmed.

**Hon. Faraj:** Ahsante sana Mheshimiwa Spika. Nimesimama kutoa taarifa ya masikitiko ambayo kwamba inatuhusu sisi sote Kaunti ya Mombasa, kutuhusu sisi kama viongozi na swala ambalo kwamba nimelileta hapa ambalo kwamba yanakanyagiwa na serikali hii ilioko na swala si lingine ni kuwa ya ‘*referendum*’ ambayo tunajaribu kupigania ya *Okoa Kenya* ili tuweze kupata manufaa sisi kama viongozi na zaidi si manufaa yetu sisi bali ni manufaa ya kuweza kuwatengea kazi watu wetu kule mashinani. Mheshimiwa Spika ukitathmini yale mambo yalioko katika *Okoa Kenya* swala moja nyeti zaidi ambalo kwamba linatuhusu sisi sote kama wawakilishi wa maeneo ya madiwani ni swala ambalo tunaendelea kulipigania kila siku la *Ward Development Fund*. Hili ni jambo ambalo moja wapo ikiwa litafaulu salama kama tunavyotarajia basi sisi Mheshimiwa Spika tutakuwa tuna uwezo wa kuwa na mfuko ambao kwamba utaweza kuleta maendeleo kule mashinani.

Mheshimiwa Spika ni miezi miwili tangu tuliahidiwa kuwa sahihi zile zitaangaliwa na taasisi ambayo inahusiana na uchaguzi katika nchi hii walakin kulingana na ule muda tumepatiwa wa mwezi moja wa kuhakikisha zile sahihi umepita huo mwezi mmoja na

umeongezeka mwezi mwingine, na hivi sasa Mheshimiwa Spika tuko katika hali ya mshangao kwa mwelekeo. Tukipiga mfano jana wakuu wetu wa chama cha ODM na CORD kwa jumla walipitia katika afisi kuu kule Anniversary Towers kule Nairobi kwenda kuangalia uhakikisho wa hizo sahihi umefanyika ama la, na ni masikitiko Mheshimiwa Spika ikiwa taasisi ambayo kwamba inasimamia maswala kama haya wanaweza kutolewa ofisini wote abakie mkurugenzi peke yake. Ni masikitiko kwa sababu wale waheshimiwa walikuwa pale hiyo siku tunawatambua kama viongozi wetu ambao kwamba wanasimamia haki na ukweli katika nchi hii ya Kenya.

Mheshimiwa Spika wale waliingia kwa takriban dakika ishirini peke yake wakitoka walisikitika na kuzungumzia masikitiko yao ya kuwa walipofika kule ndani hakukuwa na mtu yeyote wa kuwahudumikia katika zile hadhi za juu katika taasisi ile. Mheshimiwa Spika sisi tulitengeneza ugatuzi ili uweze kutusaidia sisi kama wananchi wa Kenya, na ikiwa serekali kuu ambayo kwamba ndio inafaa kuwa msukumo wa ugatuzi katika hii nchi na inatuonyesha dalili zote kuwa hawako tayari kuweza kusukuma gurudumu hili tuko na shida kubwa sana na ni lazima sisi kama viongozi tutafute mbinu mwafaka kuhakikisha ya kwamba maoni ya mwananchi ambayo yako kule mashinani; maono ya wananchi ambao wanasukuma ...ya *Okoa Kenya* ni lazima kazi ile tutaweza kuipigania kwa kazi yeyote. Zaidi ni kuwaarifu Waheshimiwa walioko hapa na lazima tuangalie ni mbinu gani tutaanza kuchukua sasa katika Kaunti ya Mombasa na Kenya kwa ujumla ili tuweze kupata haki ya yule mwananchi mashinani na shida kwa hivi sasa ambazo zimeweza kuwekwa wazi kabisa moja wapo ni swala la kuweza kuhakikisha kuwa MCAs wameweza kupata mifuko wa kuweza kusukuma maendeleo kule mashinani. Ahsante sana Mheshimiwa Spika.

**Mr. Speaker** (Hon. Rajwayi): Hon Enock Mwinga.

**Hon. Mwinga:** Ahsante sana Mheshimiwa Spika. Mheshimiwa Spika nafikiri umeweza kuona nikiangalia Mheshimiwa ambae alikuwa kando yangu akiingia hapa ndani na nilikuwa nikiuliza kama Mheshimiwa Fadhili Makarani yuko sawa kuingia mahali hapa kwa sababu mavazi yake hayaruhusiwi kuingia kwenye Nyumba hii. Nauliza kupitia kwa kiti chako uweze kumuamuru Mheshimiwa Fadhili aweze kwenda kubadilisha ili aingie akiwa sawa, ahsante Mheshimiwa Spika.

**Mr. Speaker** (Hon. Rajwayi): Hon. Siminyu.

**Hon. Siminyu:** Mheshimiwa Spika naomba unipatie fursa manake hiyo hoja ambayo imetajwa na ndugu yangu Saad Faraj ni kitu ambayo ni muhimu kwa nchi hii na tukinyamazia tutafanya makosa. Wananchi sasa ni miaka mitatu tokea tupitishe Katiba mpya lakini unakuta watu miaka mingi iliyopita kabla hatujapata uhuru kama sasa unakuta Gavana anajaribu kupokonywa bunduki watu wanaturudisha katika enzi za ukoloni na kitu ambayo kinafana hii Kenya yetu ni hii *Okoa Kenya* kwani inazungumzia fedha kwenda mashinani. Kulingana na ndoto ya katiba na watu waliotengeneza katiba Mheshimiwa Spika ni jambo la kusikitisha wakati viongozi ambao wanaowakilisha wakenya kwenda katika ofisi yetu ya serikali na kukuta hakuna hata mmoja katika ofisi zile ili kuelezea wako wapi wamefikia kuhusu maswala ya *Okoa Kenya*.

Hii inaonyesha kwamba serikali ambayo iko haitaki hii shughuli ifanyike kwani chama chetu ambacho ni CORD kimefanya ile katiba inatakikana ifanye imekusanya sahihi kutoka kwa wananchi wote, imefuata taratibu zote sasa IEBC wanazembea kwa sababu wao wameonekana sasa wamekuwa chombo cha kutumika. Mheshimiwa Spika sisi kama Bunge la Kaunti la Mombasa ni haki yetu kusimama na kulaani kitendo ambacho kimefanywa na IEBC kwani tunataka *Okoa Kenya* ili Wakenya waokolewe, na ukiangalia hata kuna wizara zimetengenezwa ambazo hazieleweki kama wizara ya ugatuzi ambayo ishatsuonyesha kwamba haihitaji hii katiba kuna watu wanapinga hawataki kuona.

Mheshimiwa Spika hata hizo wizara zimehusika katika uporaji wa pesa chungu nzima milioni 700 zimepotea ambapo zilikuwa zimetengwa kusaidia wananchi, mimi ningeomba

Nyumba hii ipate fursa izungumzie jambo hili kwani linadhuru wakenya na linaghusia pia upande wa upinzani ambao unafanya kazi yake inavyotakikana. Viongozi wetu Raila Amolo Odinga sisi tunasema viongozi wetu hata kama ni upinzani hata Uhuru Muigai alikuwa upinzani wakati ule leo sisi tuko katika upinzani tunafaya kazi kulingana na katiba. Tunataka Wakenya watetewe kwa njia ya kisawasawa na wapewe fursa ya kuangalia hii *Okoa Kenya* na kuipitisha na nina hakika Wakenya wangepewa nafasi ya kuangalia hii *Okoa Kenya* na wapige kura tuna uhakika kuwa Kenya hii itasonga mbele na yale mambo ambayo tunataka yatimizwe yatatamalizwa na hii *Okoa Kenya*. Ahsante Mheshimiwa Spika.

**Mr. Speaker** (Hon. Rajwayi): Yes Hon. Fadhili Mwalimu but before Hon. Fadhili Mwalimu we had Hon. Enock Mwinga.

**Hon. Mwalimu:** Thank you Mr. Speaker. Mr. Speaker with all due respect I called Serjent At Arms and I showed him why I was wearing open shoes; with your permission I have an injury on my toe and that is why am wearing open shoes and I did not just walk in the Assembly but I did so with the permission of the Serjent At Arms.

**Mr. Speaker** (Hon. Rajwayi): Yes I want to believe Hon. Ahmed you are up on the same point.

**Hon. Faraj:** Yes Mr. Speaker I rise to confirm what Hon. Fadhili Mwalimu Makarani is saying because when he was actually incurring that injury we were together over the weekend so I can affirm that what has happened to Hon...

*(Interruption)*

**Mr. Speaker** (Hon. Rajwayi): Now Hon. Ahmed one person who can attest to that is the Sergeant –At- Arms who has done that but thank you for trying to save the situation, yes Hon. Amir Thoya?

**Hon. Thoya:** Ahsante sana Mheshimiwa Spika kwa kuweza kunipa fursa hii. Mheshimiwa Spika yangu itakuwa ni kuzungumzia swala ambalo liko sasa hasa sisi wengine wetu kuna zile nyumba za Kaunti Mheshimiwa Spika mimi sasa nachukua fursa hii kumshukuru Gavana Hassan Joho pamoja na Waziri wa ardhi na mipango ya nyumba kwa kuweza kutuletea mradi wa nyumba za kisasa katika Mombasa. Mheshimiwa Spika nyumba zile zinakusudiwa kujengwa katika mitaa ya Khadija, Tudor, Tononoka pamoja na Miritini hii inalingana sawa na ndoto ambayo tulikuwa tumeiota ya kwamba kuna makaazi bora katika kipindi hichi cha kwanza cha uongozi na mradi huu umekuja kwetu na mazingira ambayo imeweza kuwa na changamoto zaidi katika maeneo ya zile mitaa tunawakilisha kwa sababu wengi wa wakaazi wanahisi ya kwamba kwa kujengwa kwa nyumba kama hizi itakuwa ni fursa ya kuweza kufurushwa katika majumba yale ambayo ni ya zamani.

Kwa hivyo ombi langu Mheshimiwa Spika ni Kamati ya miundo msingi inayohusiana na masuala ya makazi iweze kuchukua jukumu na kuweza kufika kule chini mashinani na kuwafanyia elimu wale wakaazi wa Khadija, Tudor, Mzizima na yale maeneo yote huenda yakaathirika na ule mradi ambao ni mzuri na kuona ya kwamba wanasiasa wa kambi za upinzani wasiweke siasa jambo hili na huenda ikawa tukapata vikwazo. Kwa hio kupitia Kiti chako ninaomba wale wahusika wote ambao sehemu zao zitapata athari za mradi huu ambao ni mradi mzuri waweze kusaidiwa na Kamati husika waende kuelimisha wale wakaazi wetu ili waweze kukubali mradi huu ili tuweze kupata ufahamu hata sisi wenyewe kama Bunge tuweze kukaa katika makao ya kisasa. Ahsante sana Mheshimiwa Spika.

**Mr. Speaker** (Hon. Rajwayi): Hon. Riziki Fundi.

**Hon. Fundi:** Ahsante sana Bwana Spika kwa heshima na taadhima mimi ningeomba swala ambalo ni muhimu na limenigusa nasema pia kwa masikitiko ni mara ya pili mfululizo Mheshimiwa Spika kaunti yetu ya Mombasa imetolea wazazi fedha za basari ili watoto waweze kusaidika na mfuko wa basari ambao umetengwa na Kaunti yetu ya Mombasa lakini kwa

masikitiko ningependa kufahamisha Bunge hili na pia ningependa utoe mwelekeo ninavyo simama hapa mbele yako kuna Wodi nne hazijapatiwa basari na hatujui sababu ambazo zime... Nafikiria sisi sote ni wana ODM, serikali ya Mombasa ni ya ODM lakini kwa masikitiko wodi ya Bamburi hii ni mara ya pili, wodi ya Mjambere ni mara ya kwanza, wodi ya Kazdandani ni mara ya kwanza na wodi ya Kongowea ni mara ya kwanza Mheshimiwa Spika kule chini mashinani kuna maswali mengi...Idara inayohusika haitupatii majibu Wodi hizi nne zimetengwa ili zisipatiwe na sisi tunawakilisha wananchi ambao wanalipa kodi katika serikali kuu, wanalipa kodi katika serikali ya Kaunti lakini wametengwa na kuteuliwa wao wasipate fedha za basari. Jambo lingine la kusikitisha ni kwamba katika zile fomu ambazo tulikuwa tumeweka ...zinapewa watu wengine wanakwenda kuzigawanya katika wodi zetu wakati sisi tumetengwa, sisi kama wawakilishi wa watu katika Wodi hizi tumetengwa. Kwa hio Mheshimiwa Spika ningependa kulitoa jambo mbele ya Nyumba hii ili nipatiwe ufunguzi wa swala hili na tueleze sababu kamilifu ambazo zinapelekea uamuzi wa kuwa Wodi ya Bamburi, Kadzandani, Mjambere na Kongowea zisipatiwe basari na sisi tunaona kwamba tuko katika serikali moja serikali ya ODM ambayo inaongozwa na Mheshimiwa Hassan Ali Joho.

Swala hili Mheshimiwa Spika ningependa sisi kama wananchi ambao ni wawakilishi wa wananchi tusilichukulie kwa njia ya uhafifu, tulichukulie kwa njia ya umuhimu sana kwa sababu basari hizi ni za wananchi ambao sisi tulizunguka mashinani tukiwaambia piga kura 'six pieces', muwakilishi wa Wodi, Mbunge, muwakilishi wa kina mama, Gavana na Rais. Bahati nzuri kura zile zote zilifanya kazi isipokuwa ya Mheshimiwa Raila Amolo Odinga lakini wengine wote tuliwapigia kura lakini tunaona maajabu na mimi nazungumza hapa kwa masikitiko makubwa kwa sababu tangu Kaunti ya Mombasa ianze kutoa basari Wodi ya Bamburi ilitengwa mara ya kwanza na hii ni mara ya pili. Ningependa tupate jibu kikamilifu ili niwaambie watu wangu wa Bamburi ni kwa nini hawapati basari na Nyumba hii ipatiane ufafanuzi ni kwa nini Wodi nyingine zinatengwa hazipati basari na mimi nataka niseme bila kuogopa Mheshimiwa Spika nilipopata taarifa hii wakati basari zilikuwa zinatolewa bahati nzuri mimi nilikuwa katika kongomano pale hoteli ya Mombasa Whitesands Beach nikipatiwa habari kwamba Wodi hizi nne hazipatiwi basari kwa bahati nzuri tulikuwako pale na Mheshimiwa Gavana na mimi kama muwakilishi wa Bamburi nilimuuliza Mheshimiwa Gavana kwa nini hizi Wodi zimeteuliwa sababu aliyonipa haikunitosheleza. Gavana alisema nyinyi mnapinga serekali yangu; mtu akipinga serikali anachukuliwa hatua ya kumnyima haki yake lakini saa hii sisi sote hapa na Kenya nzima inapiga kelele Mheshimiwa Ali Hassan Joho amenyimwa haki yake ya kuwa na ulinzi serikali nzima na nchi nzima inapiga kelele kwa nini Hassan Ali Joho ananyimwa haki yake lakini saa hii sielewi ni kwa nini watu wa Bamburi waambiwe wanapinga Gavana wakati mimi sijampinga hata siku moja na wala hata siku moja hii leo naambiwa kwa sababu tunapinga serikali. Kwa hivyo wodi hizi nne hazipatiwi basari kwa hivyo tuchukulie ya kwamba ikiwa unapinga serikali haki zako zinagandamizwa.

Sasa nataka niseme kivumba kwa Mwenyezi Mungu lakini kwa binadamu uchungu sisi tunasikia uchungu sana kwa sababu watu wetu wananyimwa basari lakini leo nchi nzima inapiga kelele mimi nikiwa mmoja wao napiga kelele kwa nini Gavana apokonywe ulinzi, apokonywe silaha zake ambazo ameweza kujinunulia na tunasimama sisi wakenya tunasema ananyimiwa haki yake kwa sababu yuko upinzani. Sasa sisi hatuko katika upinzani tuko katika serikali ya Mombasa lakini leo wakaazi wa Bamburi, Kongowea, Mjambere na Kadzandani wananyimwa kwa sababu tunapinga serikali na hatuoni kama tunapinga serikali namna gani. Mheshimiwa Spika ikiwa mtu ana maoni tofauti na yako haimaanishi anakupinga; hii ni demokrasia na kila mtu ana haki ya kutoa maoni yake, ikiwa kuna mjadala wowote unaendelea nikiwa nimeenda kinyume na mjadala isichukuliwe kwamba mimi napinga serikali alafu watu wangu ambao nawawakilisha walipiga kura kwa ajili ya kumpigia Gavana, kumpigia Fundi kumpigia Mbunge

na wale wengine, leo wanaambiwa wananyimwa basari haki yao sasa nataka niulize Bunge hili na nipate jawabu kupitia kiti chako ikiwa mtu amepinga serikali haki zake asipewe? Ahsante Mheshimiwa Spika.

*(Interruption)*

**Mr. Speaker** (Hon. Rajwayi): Yes Hon. Rashid Mswabah?

**Deputy Speaker** (Hon. Mswabah Rashid): Ahsante sana Mheshimiwa Spika mimi nimesimama naona kama Mheshimiwa Riziki Fundi kidogo amenichanganya nataka kujua kama wananchi wanakosa basari kabisa ama wananyimwa basari manake nimesikia akisema kuwa zile basari zimepitia kwa mikono mingine sio yeye, nataka unieleze kuwa wananchi ndio hawapati basari kabisa ama zimepitia mikono mingine kwa sababu sijakuelewa hapo. Ahsante.

**Mr. Speaker** (Hon. Rajwayi): Yes Hon. Riziki Fundi.

**Hon. Fundi:** Mheshimiwa Spika ahsante sana lakini nasimama tena na masikitiko kwamba swali hili linaulizwa na Naibu wa Spika wa Bunge hili; anajua ya kwamba Wawakilishi wa Bunge hili la Mombasa ni sisi ambao tumekaa katika eneo hili na wao wote walipatiwa. Kila Mjumbe alipewa fomu mia mbili, msimamizi wa *sub county* akapewa fomu zake, Gavana akawekewa fomu zake, yeye katika Wodi yake zimefika basari kwa njia tofauti, zimefika zile ambazo wewe umepeleka wewe mwenyewe binafsi na kuna zile ambazo zimepitia kwa msimamizi wa *sub county* na kuna zile zimepitia katika ofisi ya Gavana. Ni masikitiko kusikia mtu anauliza swala kama hilo, mimi nasema mimi kama Mwakilishi wa Bamburi, Mwakilishi wa Mjambere, Mwakilishi wa Kadzandani, Mwakilishi wa Kongowea ni kwa nini hawakupatia haki yao.

Kwa sababu wao wanawakilisha mwananchi na wale watu wanaozizungusha hizi fomu za basari katika Wodi zetu Mheshimiwa Spika lau ningepiga picha niwalettee picha moja wale watu wanaozungusha hizi basari Mheshimiwa ungeangua kilio ukalia kwa sababu kwanza wale watu si wafanyi kazi wa Kaunti, ni jamaa wa pale mtaani ambao wameokotwa hawajui shida za Bamburi ziko wapi, wahitaji wanaohitaji zile basari ni kina nani. Kwa sababu shida hivi sasa ukifika ofisini kwangu pale Bamburi Blue *estate* watu wamejaa na milolongo, ‘Mheshimiwa tunasikia kuna basari, Mheshimiwa zetu ziko wapi?’ majibu ninayoyatoa ni kwamba, ‘Mimi nimenyimwa basari na serikali ya Kaunti ya Mombasa Mheshimiwa Spika. Hili ni jambo la masikitiko sana na ikiwa kweli sisi ni wawakilishi wa watu na sisi tunasema ni wawakilishi wa watu wa Mombasa lazima sisi tusimame tuangalie haki itendeke kwa kila mmoja hapa tunazungumzia swala la kuleta *Okoa Kenya* ili pesa ifike mashinani ili ifike pale kwa Wodi sasa kuna tofauti gani ikiwa kuna *Okoa Kenya* ama hakuna *Okoa Kenya*.

Tulipinga wakati wa 2005 na sababu kubwa ni kwa sababu maendeleo yalikuwa yanafanywa kinyume cha sheria; maendeleo yalikuwa yanafanywa kwa upendeleo, sehemu zingine zilikuwa zinawachwa ndio maana Wakenya kwa kauli yao wakaipigia Katiba yao 2010 ili yale maendeleo yaweze kusambaa katika maeneo yote ya Kenya. Leo jambo la kushangaza tuliokuja na ugutuzi ndani ya Kaunti ya Mombasa, ugutuzi ni nini? Mheshimiwa Spika nasimama hapa na uchungu mwingi sana mimi niko tayari kufa kwa ajili ya watu wangu ikiwa kuwatetea watu wangu ni kupinga serikali lakini ukweli nitausema na hili Bunge kama sisi tumechaguliwa na wananchi ili sisi tuwatete sasa tutajua wale ambao wameletwa hapa kutetea wananchi ama wale wameletwa kutetea matumbo yao. Mheshimiwa Spika basari inatolewa kwa sababu imsaidie yule mzazi hana uwezo kisha imsaidie mtoto ambaae ni mwerevu lakini amekosa fedha ya kupelekwa shule, leo tunanyima mzazi asiyekuwa na uwezo nafasi ya kumpeleka shule na tunamnyima nafasi mtoto mwerevu ili asome, ili awe kiongozi wa nchi sasa Mheshimiwa sheria ni msumeno ikienda mbele inakata mbele na ikirudi nyuma inakata.

Kwa hio sisi kama wawakilishi wa Mombasa tusiwe kama vile waingereza wanasema ‘*double standards*’ ikiwa kwa Riziki ni sawa ikiwa ni mwingine ni makosa mimi nataka



nisimame hapa kwa sababu siku niliyoapishwa...niliinua msahafu kuwa mimi natoka kwenye dini ya Kiislamu na niliinua msahafu ule si kusema maneno yangu sikusema maneno yangu ya kutoka mdomoni nilisema kutoka moyoni kwamba nitatetea watu wa Bamburi vilivyo kulingana na sheria ya nchi. Mimi nasimama hapa kusema ningetaka kupata jawabu watu wa Bamburi wamenyimwa basari na serikali yao ya Kaunti ya Mombasa ambayo ni serikali ya ODM ambayo ilipigiwa kura na Wana ODM ikiwa mimi ni mmoja wa wawakilishi wa...

*(Interruption)*

**Mr. Speaker** (Hon. Rajwayi): Thank you so much Hon. Riziki. Allow me to just...can you resume your seats Hon. Members I do not want a debate on this particular matter, the issue that was raised was the issue on bursaries, the bursaries that...if you heard what Hon. Riziki is saying very clearly is that already he had found an opportunity to engage his excellency the Governor on this matter and it will be very wrong for this House, a Hon. Member to engage the Governor on such issues and bring it back for debate. So if you wanted this Hon. House to make a decision then then you ought not to have engaged the Governor but that does not mean that the negotiations have not taken place but those negotiations cannot take place outside the normal sitting of this particular Assembly. I also feel what you said but it will be unprocedural for this Hon. House to debate such a matter but can you raise that important issue in our next House Business Committee and we carry on from there and see how best we can respond to it. And I am stopping the issue of discussing bursaries forthwith because you know very well that even as a House if you remember very well the bursaries were issued from the executive so let us engage each other from both arms of the government. On the issue of the referendum I also want to believe I'm not aware when the signatures were forwarded to the office of the IEBC. The law is very clear, Article 257 sub Article 5 is also giving the IEBC upto a maximum of three months to actually forward after verifying those signatures to forward the same to the County Assemblies so am not aware whether the three months have lapsed or they are still in the process but we need to get more information.

Hon. Patrick Siminyu whether the submission has been done by the relevant parties on the submission of the said forms am not aware, same as whether the three months have lapsed we may not actually start pressurizing them to do that they know the consequences of the three months, so just pick it up and see how you can present it again on the floor.

#### **ADJOURNMENT**

Ladies and gentlemen this House stands adjourned till tomorrow Thursday 17<sup>th</sup> March 2016 at exactly 2:30p.m.

The House rose at 3:07p.m.